

Lajčák pozdravlja formiranje Vlade Hercegovačko- neretvanskog kantona



Visoki predstavnik Miroslav Lajčák pozdravio je današnje formiranje vlade Hercegovačko-neretvanskog kantona i apelovao na nju da izgradi sopstveni kredibilitet tako što će nadoknaditi izgubljeno vrijeme.

“Tačno deset mjeseci nakon održavanja izbora, Hercegovačko-neretvanski kanton konačno ima vladu”, rekao je visoki predstavnik. “To su dobre vijesti, prije svega za birače i građane Hercegovačko-neretvanskog kantona koji već dugo trpe posljedice”.

Neuspjeh da vlada bude formirana formira u razumnom vremenskom roku doveo je do toga da se mnoge ključne oblasti za koje je odgovoran kanton, kao što je zdravstvena zaštita i zaštita od požara, nalaze u krizi.

“Nepostojanje vlade sasvim jasno je unazadilo Hercegovačko-neretvanski kanton”, rekao je visoki predstavnik. “Nova vlada mora se fokusirati na potrebe građana ovog kantona kako bi postigla konkretne rezultate kojima će izgraditi sopstveni kredibilitet”.

Visoki predstavnik će u sljedećih nekoliko dana ukinuti suspenziju isplate sredstava iz budžeta političkim strankama na državnom i federalnom nivou.

Formiranje vlade u Hercegovačko-neretvanskim kantonu ne samo da je dobro samo po sebi, nego je i primjer da – kada postoji politička volja – pošten kompromis može biti postignut.

Takvo preuzimanje odgovornosti – postizanje kompromisa zbog opšteg dobra – upravo je ono što ovoj zemlji treba danas i u budućnosti, na njenom putu ka Evropskoj uniji.